

# ՍՄԵՐՈՒԿԱՅԻ ՀԱՅ ԱԶԳԱՅԻՆ ԽՈՐՀՐԴԻ ԴԻՄՈՒՄԸ ՏՐՈՒՄԵՆԻՆ, ՍՏԱԼԻՆԻՆ ԵՎ ՉԵՐՉԻԼԼԻՆ

ՆՅՈՒՅՈՐԲ, 19 հուլիսի (ՏՄՄՄ).—Պրոդ-  
րեսիվ «Ամերիկայի հայ ազգային խորհրդի»  
լիդերները մամուլում հայտարարություն են  
հրատարակել, որով նրանք դիմել են Տրու-  
մենին, Ստալինին ու Չերչիլին, կոչ անելով  
Թյուրքիայի կազմի մեջ մտնող հայկական  
նահանգները վերադարձնել «նրանց միակ օ-  
րինական ներկայացուցչին՝ Սովետական Հա-  
յաստանին»:

Մասնացույց անելով Թյուրքական ապու-  
տակությունները և Թյուրքերի կազմակեր-  
պած հայկական ջարդերը անցյալ դարերում,  
դիմումի մեջ այնուհետև ասված է. «Բա-  
բելախտարար Հայաստանի մի մասում, որը  
նախքան առաջին համաշխարհային պատե-  
րազմը մտնում էր Ռուսաստանի կազմի մեջ,  
ստեղծված է անկախ Հայկական ռեսուրլի-  
կա, որպես Սովետական Միության բա-  
ցուցիչ մաս: Իր դոյուբյան 25 տարիների  
ընթացքում Սովետական Հայաստանը գոր-  
դացել է վիթխարի քայլերով և հայերին  
տվել է անվտանգություն, որը դոյուբյուն  
չի ունեցել անցյալի հայ պատմության մեջ:  
Երկրորդ համաշխարհային պատերազմի ժա-  
մանակ հայերը կրկին անգամ ցույց տվին  
իրենց սերը դեպի պատմությունը և խիզա-  
խորեն մարտնչում էին դաշնակից ազգերի  
բանակներում, առանձնապես Միացյալ Նա-  
հանգների և Սովետական Միության զորքե-  
րում:

Մինչդեռ Թյուրքերը վարում էին իրենց

տրադիցիոն երկերեսանի քաղաքականու-  
թյունը: Չեզոքության քողի տակ նրանք  
օղևում էին նացիստներին և հիանում Գեր-  
մանիայի սկզբնական հաջողություններով:  
Թյուրքիան պատրաստ էր բաց է ի բաց պա-  
տերազմի մեջ մտնելու Գերմանիայի կող-  
մում, եթե նացիստները գրավեին Ստալին-  
գրադը: Այդ նույն ժամանակ Թյուրքիան  
նշել էր Թյուրքիայում մնացած հայ փոք-  
րաթիվ բնակչությանը սեփականադրկելու և  
կեղծբելու նորանոր եղանակներ: Թյուրքիայի  
կողմից ամենավերջին պահին Գերմանիային  
պատերազմ հայտարարելը ողորմելի ֆարս  
է: Թյուրքերը դարերի ընթացքում ստառ-  
պանքներ են պատճառել հայերին: Ներկա-  
յումս Սովետական Հայաստանի և Սովետա-  
կան Միության մյուս մասերի սահմաններից  
զուրս ապրում են մեկ ու կես միլիոն հա-  
յեր: Այդ հայերի ճնշող մասը ուզում է  
վերադառնալ իր նախահայրերի երկիրը և  
մասնակցել նրա վերակառուցմանը: Ամերի-  
կահայերը երեք տերությունների լիդերների  
կոնֆերանսից թախանձադին խնդրում են  
հայ ժողովրդի հարցը դնել օրակարգում,  
որպեսզի արդարացիություն երաշխավորվի  
հայերի համար, որոնք նորից ցանկանում են  
ապրել իրենց պատմական հայրենիքում՝ Սո-  
վետական Հայաստանում»:

Այս հեռագիրը ստորագրել են Խորհրդի  
նախագահի տեղակալ Շահինյանը, քարտու-  
զար Սարյանը և անորեն Վրթանեսը: